


罗根泽 孟子传论
陈柱 中庸注参

大师
国学馆

郭绍虞称罗根泽：“雨亭之书，以材料丰富著称。”
唐文治评价陈柱：“横空而来，足使千古学人才一起俯首。”

吉林人民出版社



罗根泽 孟子传论
陈柱 中庸注参



吉林人民出版社

图书在版编目(CIP)数据

罗根泽孟子传论 陈柱中庸注参 / 罗根泽, 陈柱著.

长春: 吉林人民出版社, 2012.12

(大师国学馆)

ISBN 978-7-206-08330-3

I. ①罗…

II. ①罗… ②陈…

III. ①孟轲(前372~前289)—传记 ②儒家 ③《中庸》—注释

IV. ①B222.5②B222.12

中国版本图书馆CIP数据核字(2012)第308842号

罗根泽孟子传论 陈柱中庸注参

著 者: 罗根泽 陈 柱

责任编辑: 于二辉 丁 昊

制 作: 吉林人民出版社图文设计印务中心

吉林人民出版社出版 发行(长春市人民大街7548号 邮政编码: 130022)

印 刷: 北京嘉业印刷厂

开 本: 710mm×1000mm 1/16

印 张: 16 字 数: 220千字

标准书号: ISBN 978-7-206-08330-3


版 次: 2013年3月第1版 印 次: 2013年3月第1次印刷

定 价: 29.50元

如发现印装质量问题, 影响阅读, 请与出版社联系调换。

总目录

罗根泽 孟子传论	1-168
陈 柱 中庸注参	169-248



罗根泽 孟子传论



目 录

自序 / 005

孟子传论 / 007

附录 《孟子》原文 / 076

卷一 梁惠王上 / 076

卷二 梁惠王下 / 081

卷三 公孙丑上 / 088

卷四 公孙丑下 / 094

卷五 滕文公上 / 100

卷六 滕文公下 / 105

卷七 离娄上 / 110

卷八 离娄下 / 118

卷九 万章上 / 126

卷十 万章下 / 132

卷十一 告子上 / 137

卷十二 告子下 / 144

卷十三 尽心上 / 150

卷十四 尽心下 / 160

自序

史公于孔子为《世家》详纪言行，于孟子则仅与诸子共传，寥寥百余言，略而且误。赵氏《题辞》，亦未详叙。后儒纷纷稽讨，或为《年谱》，或为《考略》，或为《传纂》，于是其行实略历，粗可考见。然孟子生卒，古籍不载，确定年月，势不可能，《年谱》之作，亦云荒矣。《考略》之流，又病割裂。《传纂》善矣，而今所传者，多载《外书》荒谬之言，《列女》《韩诗》附会之说，至其道术政论，游仕大端，反阙焉，斯所谓倒植者也。根泽幸生后世，得窥魁儒硕士之所考订，参验比较，曲直见而史实出焉。愚不自揣，以暇时草为《别传》。于其学术思想，则提要钩玄，撮论其根核所在，渊源所自，与夫枝干之演化，后世之影响。于其出处行历，则依据《孟子》，参以诸儒之考证，信而有征者书之，荒谬怀疑者不录。冀使世人无论习《孟书》与否，籀此文，即能略悉孟子之人格学问及事略之大概。惟立说所自，不标出处，去取微意，弗事说明，易滋疑团，且邻掠美；故凡所引书，降格书之；考案之语，又复降焉；庶读者遇有怀疑，有所稽览云。根泽齿稚学疏，误谬难免，匡正指教，敢望于赐读诸君也。

中华民国十七年三月二十八日，罗根泽记。

孟子传论

世人无论习孟书与否，藉此文，即能略悉孟子之人格学问及事略之大概。

孟子名轲，字则未闻。

汉赵岐《孟子·题辞》：孟子，……名轲，字则未闻也。

清焦循《孟子正义》：王应麟《困学纪闻》云：“孟子字未闻。《孔丛子》云，‘子车’，《注》‘一作子居，居贫坎轲，故名轲字子居。亦称子舆。’《圣证论》云，‘《子思书孔丛子》有孟子居，即是轲也。’《傅子》云，‘孟子舆’。疑皆附会。史鄂《三迁志》云，‘孟子字自司马迁班固赵岐皆未言及，魏人作徐幹《中论序》曰，孟轲荀卿，怀亚圣之才，著一家之法，皆以姓名自书，至今厥字不传，原思其故，皆由战国之士，乐贤者寡，不早记录耳。’是直以孟子为逸其字矣。”按王肃傅元生赵氏后，赵氏所不知，肃何由知之？《孔丛子》伪书，不足证也，王氏疑其附会，是矣。

清梁玉绳《史记志疑·孟子荀卿列传》：“案史不书孟子之字。”赵岐《题辞》曰：“字则未闻。”考《汉艺文志》师古《注》引《圣证论》云：“字子车。”王氏《艺文志考证》困学《纪闻》八引《傅子》云：

“字子與。”《文选》刘峻《辨命论》“子與困臧仓之诉”。《注》亦引《傅子》云：“邹之君子孟子與”。唐虞世南《北堂书钞》引《孟轲传·荀子非十二子》篇杨倞《注》，并云“字子與。”《孔丛子杂训》云：“孟子车。”《注》“一作子居”。据此则魏晋以来。始传孟子之字，故《正义》著之，虽未详其所得，要非无据，可补史遗。王氏疑为附会，非也。古车與通用，如秦三良子车氏，史于《秦纪·赵世家·扁鹊传》并作子與可验。惟居字恐以音同而讹。颜师古《急就篇·注》：“孟子字子居”。《广韵》去声轲字注云：“孟了居贫轲轲，故名轲字子居。”疑非。

案孟子字，古书不载；载之自王肃《圣证论》始，《圣证论》乃王氏妄制以难马郑者，漂渺纰缪，不足为据。至《傅子》以为字子與，盖车與通用，仍袭王氏之误。《孔丛子》晚出伪书，更无足采。而辗转因循，久假成真，博洽如梁玉绳，尤且信之，其他又何足云？甚矣王氏作伪之祸人深也。

其先盖鲁孟孙之后，不知何世，徙居邹国。

汉司马迁《史记·孟子荀卿列传》：孟轲，驺人也。

汉赵岐《孟子·题辞》：或曰，孟子，鲁公族孟孙之后，故孟子仕于齐，丧母而归葬于鲁也。三桓子孙，既以衰微，分适他国。

唐颜师古《急就篇注》卷二孟伯徐：鲁桓公子庆父之后号孟孙氏，其后称孟氏焉。

宋郑樵《通志·氏族略》四孟氏：姬姓，鲁桓公子庆父之后也。庆父曰公仲，本仲氏，亦曰仲孙氏，为闵公之故，讳弑君之罪，更为孟氏。……齐有孟轲。

清焦循《孟子正义》：鲁桓公生同为庄公，次庆父为仲孙氏，次叔牙

为叔孙氏，次季友为季孙氏，是为三桓。仲孙氏即孟孙氏。庆父生公孙敖，即孟穆伯。穆伯生文伯叔惠。文伯生仲孙蔑，即孟献子。献子生仲孙速，即孟庄子。庄子生孺子秩。秩生仲孙貜，即孟僖子。僖子生仲孙何忌，即孟懿子。懿子生孟孺子洵，即孟武伯。武伯生仲孙捷，即孟敬子。入春秋后。其献子次子生仲孙羯。杜预《世族谱》以懿伯即子服仲孙它，生孟椒，椒生子服回，回生子服何，是为子服景伯，别为子服氏。孟氏之族，有孟公绰孟之反。孟懿子之弟有南宫敬叔，孟武伯之弟有公期。……孟子即以孟为氏，宜为孟孙之后，但世系不可详，故赵氏以或曰疑之。

清周广业《孟子出处时地考》：本传“孟轲邹人”。^① 赵岐《题辞》曰：“孟子，邹人也。邹本春秋邾子之国，孟子时改曰邹，国近鲁，后为鲁所并。又言邾为楚所并，非鲁也。今邹县是也。……” 吴程乃云：“孟子鲁人居邹，非生于邹。” 谭氏《编年略》更侈其说，云：“邹为鲁下邑，即《说文》所称孔子乡，叔梁纥所治地。史云邹人，不云邹国人，氏《编年略》更侈其说，云：“邹为鲁下邑，即《说文》所称孔子乡，叔梁纥所治地。史云邹人，不云邹国人，犹子路卞人，曾子武城人，不言鲁也。本书自齐葬于鲁，因是时有二邹，虑后人国与邑混，故于丧母大事特书之，明鲁为父母之邦也。赵误邹为邾，邾在兖北青境，邹在兖南徐境，道里甚远，安得云近圣人之居如此其甚？孔子所生名故邹城，去孟子所居五十里，以邑则孔孟皆邹人，以国则孔孟皆鲁人。故孟子居邹邑，即是居鲁。其对邹穆公不称臣，而言甚倨，即‘邹人与鲁人战’一语，明为别国矣。于鲁则云‘我之不遇鲁侯天也’，以不遇本国之君，老更无可遇，故曰‘天也’。” 广业案此言殊谬。史与孟子同传者，淳于髡齐人，荀卿赵人，不皆系以国；^② 即孔门弟子，如端木赐卫人，言偃吴人，亦从无连国字之例，安见单言邹即为鲁下邑也？且邹国与郳邑，为字迥异。《说文》“邹，

① 汉志同。

② 根泽案：不皆二字疑倒。

鲁邑，古邾国，帝颛顼之后所封，从邑刍声。邾，鲁下邑，孔子之乡，从邑取声。^① 二字形义判然，许叔重书具在，可覆按也。^② 邾字见《孟子》书者十，他书或作邾，如《史记》邾人，一本作邾人；如《始皇纪》邾峰山，《封禅书》作邾峰山；《汉书·地理志》鲁国邾，《注》故邾国，《续汉书·郡国志》邾本邾国，是也。俗通作邾，颜元孙《干禄字书》邾邾注云，上通下正，是也。邾字见《左传》邾人纘，通作邾，《论语》“邾人之子”，《孔丛子》“还辕息邾”。亦作邾，《孔子世家》“生昌平乡邾邑”，是也。若邾邾之字，考古书从无通借。至《水经注》始讹邾为邾，而以孔子为邾国人。其言曰：“鲁国邾山，即《左传》之峰山，邾文公所迁，故邾娄国曹姓，叔梁纘之邑也，孔子生此，后乃县之。”其后周宣帝大象二年，遂封孔子为邾国公，^③ 实坐此误也。^④ 陆德明《春秋序释文》又讹邾为邾，而云孟子邾邑人。司马贞《史孟子传索隐》云，“邾，鲁地名。”又云，“邾，邾人徙邾故也。”圣贤梓里，任臆颠倒，此皆五代及唐俗体传讹，急待后儒是证者。故罗泌《国名纪》于邾下特别白之曰，“孔子生处，与孟子之邾异。”又注云，“或作邾，非。”极为了当。^⑤ 而宋神宗元丰六年，封孟轲邾国公，元文宗至顺元年，封邾国亚圣公，俱载正史。今乃混国为邑，谬假《说文》欺世，可乎？反葬诚属首邱之义，然是时壤接牙错，不必如后世之土断，《左传》载鲁伐邾，非一，安知疆田保绎而后，鲁地非即向之邾地？且系孟孙之后，则祖墓自应在鲁。不得藉是为鲁人之证。《左传》哀七年“鲁击柝闻于邾。”《汉志》鲁邾蕃三县，俱属兖州；鲁即鲁国，蕃即邾国，邾即邾文公所迁之绎也。此甚近之确证。

① 徐锴系传邾下引赵岐题辞，邾国至孟子时改曰邾，则留反。邾下引左传邾人纘，则侯反。

② 玉篇训同说文。惟邾下增注云，俗作邾；邾注云，论语作邾。广韵邾县名，在兖州；邾下亦引说文。又杜预春秋地名释鲁地云，襄十年邾注，鲁国鲁县东南莒城也。释邾地云，隐元年邾注，鲁国邾县。文十五年绎注，鲁国邾县北有绎山。

③ 见后《周书》。隋复封孔长孙为邾国公。《史记正义》引《括地志舆地志》，邾并作邾。

④ 注略。

⑤ 集注考证“圣人之居，在今袭庆府仙源县，而邾即邾县，在仙源之南。”亦极分明。

不古之据，而以今境计之，合孔孟皆为邹人，误矣。^①至邹人与楚人战，正惟自身是邹人，故援以喻齐。《左传·正义》引《谱》云：“春秋后八年，楚灭邾。”^②意其时楚方蚕食，邹不行仁政，而妄与力抗，孟子知其必有后灾，适因齐事触动，遂不觉痛切言之也，乃以是即知非本国乎？且邹在春秋赋六百乘，传至战国亦在十二诸侯之首，故楚射者以秦燕魏比麒麟，齐鲁韩魏比青鸟，邹费邾邳比罗鸞，谓其余皆不足射，则知是时妄思敌楚者惟邹，故借为以一服八之证也。鲁既父母之，国何与慎子言，直斥其殃民僭越王制？如曰居邹邑即居鲁，则彼曹交所欲见而假馆者果何君耶？邹君即穆公，孟子与言必称曰君，故曹交虽不在公所亦必称君也。至平公则吾与鲁侯对举，即知非本国臣民矣。且邹鲁哄后，穆公肯复引仇国之人与图善后乎？阎咏曰：“只云近圣人之居，未尝云生圣人之乡。”言已明白。广业恐人之好异，使大贤宅里混淆，辄复详辨之。

清焦循《孟子正义》：《说文·邑部》云：“邹，鲁县，古邾娄国，帝颡顼之后所封。”段氏玉裁《说文解字注》云：“鲁国驺二志同，周时或云邹，或云邾娄者，语言缓急之殊也。周时作邹，汉时作驺，古今字之异也。《左传》作邾，《公羊》作邾娄，邾娄之合声为邹，《国语·孟子》作邹，三者邹为正，邾则省文。”

案周氏谓邾人徙邹，遂更名邹；焦氏谓邹即邾，泽未深考，不知孰是。而谓孟子为邹国人非鲁国人，则二氏全同，可以深信勿疑，吴谭妄说，不足信也。至郑樵谓齐人，他书不见，盖涉孟子仕齐而误。

① 注略。

② 此即赵氏所称或说也，汉志云，传二十七世，为楚所灭。《水经注》楚宣王灭邾。国名纪曰，邾为鲁并，而邹为楚并。

父讳母氏，无可稽考；惟谓“三岁而孤，”则不然也。

明陈士元《孟子杂记》：轲母仇氏。^①元按《姓苑》“仇氏出梁四公子之后。”

清周广业《孟子出处时地考》：孟子父名失考，^②孟母氏亦未详。^③

清林春溥《孟子列传纂》：父激^④公宜^⑤，母仇氏。^⑥

清任兆麟《孟子时事略》：《春秋演孔图》曰：“孟子父激公宜，^⑦母仇^⑧氏，梦神人乘云攀龙凤自泰山来，将止峰，凝视久之，忽见片云坠而寤。时间巷皆见五色云覆孟氏居，而孟子生焉。”

清施彦士《读孟质疑》卷上：《阙里志》“孟子父^⑨激^⑩公宜，娶仇氏。”

案细读《风俗通》、《列女传》，无孟子父名母氏，不悉陈林二君，何所据而云然，累予数时之检阅。孙张二记及《阙里志·孟氏谱》，出自后世，不详所本之说，何可遽信，《春秋演孔图》纬书者流，不足道也。且孟父若名激，何以孟子不讳激？^⑪周氏不信，可谓谨严有见。至于梦神人云云，无论东西各国，其稍古传记，对于圣哲豪杰，皆有此等附会，今日视之，不值一哂。

清周广业《孟子出处时地考·题辞》云：“孟子生有淑质，夙丧其父，

① 《列女传》仇音掌。

② 孟氏谱名激字公宜。

③ 张颢孟母墓记云：“旧唯片时，题曰邹公坟墓碑，言母氏李，未知何据？集注载金孙弼谒庙记有李氏之说，疑碑为金所立。”或云仇氏。音掌。

④ 名也。

⑤ 字也。

⑥ 见风俗通。

⑦ 陈榕门曰，名激，字公宜。

⑧ 音掌。

⑨ 名。

⑩ 字。

⑪ 告子篇“激而行之，可使在山。”

幼被慈母三迁之教。”及注后丧逾前丧云：“孟子前丧父约，后丧母奢。”前后虽无定时，以士大夫三鼎五鼎之言推之，相隔必不甚远。《礼》曰：“丧从死者，祭从生者。”祭以三鼎，则在孟子为士之后明矣。时年盖亦四十余。《题辞》所谓“夙丧其父”者，特以父先母死耳，非幼孤也。薛应旗《四书人物考》、《四书直解集语续》、《文献通考》、《阙里志》、《三迁志》遂云“孟子三岁丧父。”考《韩诗》、《列女》俱无此说。且《列女》载孟母断机事云：“织绩而食，中道废而不为，宁能衣其夫子而长不乏粮食哉？”此必非嫠恤之言。夫士及三鼎，固非襁褓间事。且去丧母五六十一年，鲁人亦何从知其前后丰俭悬绝，而臧仓得以行其毁鬲耶？王复礼曰：“若前丧在三岁，则丰啬非所自主，臧仓安得谮之？平公安得信之？乐正又安得不辨之？盖公宜实未尝卒，其三迁断机，或者公宜出游，慈母代严父耳。”广业案元仁宗延佑三年七月，追封孟子父母，制只称其父夙丧，张顗《墓碑》亦然，则三岁丧父之说妄也。^①

案读此可知三岁丧父之说之无据矣。而任兆麟《孟子时事略》，施彦士《读孟质疑》，魏源《孟子年表》，俱引《列女传》云：“孟子三岁丧父。”周广业所见《列女传》无此说，今所见《列女传》亦无此说，而三君竟异口同声，谓《列女传》云此；《列女传》既有“衣其夫子”之言，何能又有“三岁丧父”之说？此盖由于一人失检，而他人辗转相钞，遂有此沿误耳。

生卒年月，史传不载，稽古之士，群焉搜讨。或谓生于周定王三十一年，卒于赧王二十六年。

清潘眉《孟子游历考生卒·史记索隐》云：“孟子生于周定王三十一

^① 注略。